



Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
նշ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

350.8

п-84

15070

Հ Ո Ր Ո Յ Ո Ր Մ

ԱՆՎԱՏԱԿԱՆ ԹԱՅԱԿԱՌՈՒՆԵՐԻ
ԱՐՏՈՆՈՒԹՅՈՒՆՆԵՐԻ ՄԱՍԻՆ

ПОСТАНОВЛЕНИЕ

О ЛЬГОТАХ ПЕРСОНАЛЬНЫХ
ПЕНСИОНЕРОВ

Յ Ե Ր Ե Վ Ը Ն

1 9 3 1

7289

350.8

n-81

2001

4.

ՎՈՐՈՇՈՒՄ

ՀԱՅԿ ԿԵՆՏՐՈՆԱԿԱՆ ԳՈՐԾԱԴԻՐ ԿՈ-
ՄԻՏԵՑԻ ՅԵՎ ԺՈՂՈՎՐԴԱԿԱՆ ԿՈՄԻ-
ՍԱՐՆԵՐԻ ԽՈՐՀՐԴԻ

Հանրապետությանը բացառիկ ծա-
ռայություններ մատուցած անձանց
անհատական կենսաթոշակով ապա-
հովելու վերաբերյալ կանոնադրու-
թյուն հաստատելու մասին.

1931 թ. ապրիլի 22-ին.

ՀԱՅԿ ԿԵՆՏՐՈՆԱԿԱՆ ԳՈՐԾԱԴԻՐ
ԿՈՄԻՏԵՆ Ե ժողովրդական Կոմիտե-
ների Խորհուրդը ՎՈՐՈՇՈՒՄ են. —

1. Հաստատել և 1931 թ. ապրիլի
1-ից կիրարկության դնել հանրապե-
տությանը բացառիկ ծառայություն-
ներ մատուցած անձանց անհատական



295-57

2010

կենսաթոշակով ապահովելու մասին
կանոնադրությունը:

2. Հիշյալ կանոնադրությունը կիրարկության դնելով, վերացվում է ՀՍԽՀ Ժողովրդական Կոմիսարների Խորհրդի 1928 թ. հոկտեմբերի 5-ի, հանրապետությանը բացառիկ ծառայություններ մատուցած անձանց անհատական կենսաթոշակով ապահովելու մասին» վորոշումն ու կանոնադրությունը (ՀՍԽՀ Որ. և Կարգ. Ժող. 1928 թ. նո. 13, հոդ. 143)։

ԿԱՆՈՆԱԴՐՈՒԹՅՈՒՆ

Հանրապետությանը բացառիկ ծառայություններ մատուցած անձանց անհատական կենսաթոշակով ապահովելու մասին:

Հ Ա Տ Վ Ա Մ 1.

Անհատական կենսաթոշակով ապահովման յենթակա անձանց շրջանը:

1. Այս կանոնադրության կարգով անհատական կենսաթոշակ ստանալու իրավունքը սահմանվում է հեղափոխական, ղինվորական, արհեստագական ու հասարակական գործունեության, խորհրդային շինարարության նաև գիտության, արվեստի և տեխնիկայի ասպարեզներում հանրապետությանը բացառիկ ծառայություններ մատուցելու համար:

ԾԱՆՈԹՈՒԹՅՈՒՆ.— ԽՍՀՄ կենտ-
րորձկումի և Ժողկոմխորհի 1928 թ.
մարտի 18-ի հաստատած Բանվորա-
գյուղացական կարմիր Բանակի կադ-
րային հրամկազմի պետական ապահով-
ման մասին կանոնադրության յենթակո-
անձանց համար անհատական կենտ-
թոշակները նշանակվում են նույն կանո-
նադրության 8-րդ հոդվածում նախա-
տեսված կարգով (ԽՍՀՄ Որ. և Կարգ. 1926 թ. նո. 20, հոդ. 131, և
1921 թ. նո. 15, հոդ. 124):

2. Անհատական կենսաթոշակ ստա-
նալու անվիճելի իրավունք ունեն:

ա) այն հեղափոխական կուսակցու-
թյունների անդամները, վորոնք աղ-
տիվ կերպով պայքարել են պրոլետա-
րիատի իշխանության համար:

բ) այն անձինք, վորոնք հերոսա-
կան սխրագործությունների կամ բա-
ցառիկ աշխատանքների համար ար-
ժանացել են ԽՍՀՄ, ԱՍԽՀ և ՀՍՈՀ

կառավարությունների սահմանա-
ժեկ կամ մի քանի շքանշանների.

գ) այն անձինք, վորոնց տրված է
հանրապետության Ժողովրդական
արտիստի, կամ գիտության, արվես-
տի և տեխնիկայի վաստակավոր
գործչի կոչումն:

3. Բացի այդ, անհատական կեն-
սաթոշակ կարող է նշանակվել նաև՝

ա) այն անձանց, վորոնք ցարական
կամ կապիտալիստական կառավարու-
թյան կողմից հալածանքի յեն յեն-
թարկվել ընդհատակյա հեղափոխա-
կան աղտիվ աշխատանքների համար,
յեթե միայն նրանք չեն ընդգրկացել
պրոլետարիատի իշխանությանը:

բ) այն աշխատավոր գործիչներին,
վորոնք զինվորական, պետական,
հասարակական, գիտական, տեխնի-
կական և գյուտարարական ասպա-
րեզներում իրենց աշխատանքներով,
յերկերով ու գյուտերով առանձնա-

պես արժեքավոր ծառայութիւններ են մատուցել խորհրդային կուլտուրային, դիտութեանն ու տեխնիկային և աջակցել են խորհրդային պետութեան ամրապնդելու գործում:

գ) այն անձանց, վորոնք բացառիկ ակտիվութիւն են ցուցաբերել կուլտութեան դեմ պայքարելու գործում և այդ պայքարում խեղանդամ են դարձել:

դ) աշխատանքի հերոսներին, վորոնք այդ կոչմանն արժանացել են Հայաստանի Սոցիալիստական Խորհրդային Հանրապետութեան Կենտրոնական Գործադիր Կոմիտեյի նախագահութեան վորոշմամբ:

4. Այս վորոշման 2-րդ հոդվ. «ա» և «բ» կետերում և 3-րդ հոդ. «ա» «բ» և «գ» կետերում հիշված անձանց անհատական կենսաթոշակներ են նրանակվում նրանց անաշխատունակ ճանաչվելու (այսինքն՝ հաշմանդամ

մության առաջին յերեք խմբակներից մեկում զաւակելու) դեպքում, կամ յեթե տղամարդիկ 55 տարեկան՝ իսկ կանայք 50 տարեկան հասակ ունեն:

5. Անհատական կենսաթոշակ ըստացող կամ ստանալու իրավունք ունեցող անձանց (հոդ. 2 և 3-րդ) մահվան կամ համապատասխան ձևով հաստատված անհայտ բացակայութեան դեպքում կենսաթոշակի իրավունքը ոտանում են մինչև մահանալը նրանց խնամքի տակ գտնվող ընտանիքի հետևյալ անչափահաս կամ առաջխատունակ անդամները:

ա) մինչև 18 տարեկան հասակ ունեցող զաւակները, յեղբայրներն ու քույրերը, այլ և նույն անձինք անկախ տարիքից, յեթե անաշխատունակ են դառել մինչև 18 տարեկան հասակը:

բ) ծնողները և ամուսինները՝ տղամարդիկ-60 տարեկան, իսկ կանայք

55 տարեկան հասակից, կամ պատ-
շաճ ձևով անաշխատունակ ճանաչ-
վածները:

դ) աշխատունակ ծնողները, կամ
ամուսինը, վորոնք զբաղված են մա-
հաշամի կամ անհայտ բացակայողի
խնամքի տակ յեղած մինչև 8 տարե-
կան զավակներին, յեղբայրներին և
քույրերին խնամելով:

6. Անհատական կենսաթոշակներ
նշանակվում են զավակներին, յեղ-
բայրներին և քույրերին մինչև 18
տարեկան հասակը, իսկ նրանց, վո-
րոնք սովորում են ուսումնական հիմ-
նարկներում, կենսաթոշակը վճար-
վում է մինչև տեխնիկումում կամ
բարձրագույն ուսումնական հիմնարկ-
ներում ուսումնալսելը, բայց վաղ
ապելի, քան 25 տարեկան հասակն
առնելը, իսկ մշտապես անաշխա-
տունակ ճանաչված (հոդ. 5-րդ «ա»
և «բ» կետեր) անձանց՝ ցմահ:

Անհրաժեշտ դեպքերում անհատա-
կան կենսաթոշակները նշանակող
հանձնաժողովը կարող է կենսաթո-
շակ նշանակել մահացած թոշակա-
ռույի 18 կամ 25 տարեկանից բարձր
հասակում հաշմանդամ դառած դա-
վակներին, յեղբայրներին ու քույրե-
րին, նաև վորոնք անհատական կեն-
սաթոշակ ստանալու իրավունքն ու-
նեցող անձանց խնամքի տակ չեն
զտնվել:

7. Անհատական կենսաթոշակներ
նշանակելու մասին միջնորդություն-
ները հարուցվում են Սոցիալական Ա-
պահովության Ժողովրդական Կոմի-
սարիատին առընթեր՝ անհատական
կենսաթոշակ նշանակող հանձնաժո-
ղովի առաջ:

ա) այս կանոնադրության 2-րդ
հոդվածում թված անձանց՝ թե ի-
րենց և թե այլ անձանց ու կազմա-
կերպությունների կողմից:

բ) այս կանոնադրության 3-րդ հոդվածում թված անձանց նկատմամբ՝ Հայկոմկուսի (բ) ԿԿ, Ժողովրդական Կոմիսարիատների, արհեստակցական միությունների խորհուրդների, հին բայլչեիկների ընկերության, քաղաքաժամալիւրների և աքսորականների Ընկերության, նաև Հայկոմկուսի (բ) Կ Շրջանային կոմիտեների և շրջագործկոմների կողմից:

Հ Ա Տ Վ Ա Մ 2.

ԱՆՀԱՏԱԿԱՆ ԿԵՆՍԱԹՈՇԱԿ ՆՇԱՆԱԿԵԼՈՒ
ԿԱՐԳԸ

8. 7-րդ հոդվածում նշված միջնորդություններում պետք է փաստաթղթերով հաստատված լինեն՝ այն անձի՝ Սորհրդային Հանրապետությանը մատուցած ծառայությունները, վորի մասին միջնորդություն է հարուցվում, կամ նրա հե-

ղափոխական ստաժն ու համառոտ կենսագրությունը, նաև նրա ընտանիքի կազմը և ընտանիքի անդամների տարիքը:

9. Ժողովրդական կոմիսարիատները և նրանց հաջատարեցված հիմնարկությունները հարուցում են անհատական կենսաթոշակների մասին միջնորդությունները կոլեգիաների վորոշմամբ, իսկ 7-րդ հոդվածում նշված հասարակական կազմակերպությունները՝ նրանց ղեկավար մարմինների (Կոմիտեյի նախագահության և այլն) վորոշմամբ:

10. Անհատական կենսաթոշակներ նշանակելու մասին միջնորդությունները ըննության է առնում Սոցիալական Ապահովության Ժողովրդական Կոմիսարիատին առընթեր անհատական կենսաթոշակներ նշանակող հանձնաժողովը՝ նախագահությամբ Սոցիալական Ապահովության

Ժողովրդական Կոմիտեի կամ նրա տեղակալի և անդամակցութեամբ ՀՍԽՀ Աշխատանքի Ժողովրդական Կոմիտեի, Ֆինոդկոմատի, Ռազմական գերատեսչութեան, Արհմիությունների Խորհրդի ներկայացուցիչների, վարոնց անձնապես նշանակում ե Ժողովրդական Կոմիտեների Խորհուրդը:

11. Անհատական կենսաթոշակ նշանակող հանձնաժողովի վճիռները վերջնական են և վերանայվում են միայն 7-րդ հոդվածում նշված հիմնարկությունների, կազմակերպությունների և անձանց միջնորդութեամբ, յերբ անհատական կենսաթոշակներ նշանակելու համար հիմք ծառայելու եյալան նոր տվյալներ են հայտնաբերվում:

12. Այս կանոնադրութեան կարգով անհատական կենսաթոշակներ նշանակում են անկախ այն բոնից, թե բացառիկ

ծառայութեաններ, մասուցած անձի գործունեութեանը վորտեղ ե ընթացել, լեթե միայն այդ անձը ներկայումս ապրում ե ՀՍԽՀ սահմաններում:

13. Հանձնաժողովում ստացված և պատշաճ ձևով ձեվակերպված միջնորդութեանները պետք ե քննութեան առնվեն ստացվելու որից մի ամսվա ընթացքում:

14. Անհատական կենսաթոշակը նշանակվում ե միջնորդութեանը ըստանալու ամսին (հոդ. 13) հաջորդող ամսի 1-ից. անհրաժեշտ դեպքերում կենսաթոշակը կարող ե նշանակվել նաե ավելի վաղ ժամանակից:

15. Անհատական կենսաթոշակի իրավունքից զրկելը կարող ե տեղի ունենալ միայն այդ կենսաթոշակը նշանակող մարմնի վորոշմամբ և հետեվյալ դեպքերում:

ա) յերբ վերջին ատյանի վճռից հետո՝ անհատական կենսաթոշակ ստա-

ցողը սահմանված կտրգով զրկվում է խորհուրդների ընտրական իրավունքից:

բ) յերբ դատական վճռով նախատեսվում է կենսաթոշակի իրավունքից զրկելը:

ԾԱՆՈԹՈՒԹՅՈՒՆ. — Կենսաթոշակի իրավունքից դատարանով զրկված անձի կողմից դատական վճիռը բողոքարկելու դեպքում անհատական կենսաթոշակի իրավունքի հարցը քննութան ե առնվում այդ կենսաթոշակը նշանակող մարմնի կողմից միայն վերջին ատյանի վճիռը կայացնելուց հետո. իսկ մինչ վերջին ատյանի վճիռը կայացնելը՝ կենսաթոշակը վճարվում է ընդհանուր հիմունքներով:

16. Անհատական կենսաթոշակ նշանակող հանձնաժողովի վորոշման մեջ պետք է նշված լինի, թե վոր ժամանակից և ինչ չափով է կենսաթոշակ նշանակվում, իսկ բացառիկ ծառա-

յություններ մատուցած անձանց ընտանիքների անդամներին կենսաթոշակ նշանակելիս, պետք է նշված լինի, թե ընտանիքի յուրաքանչյուր անդամին կենսաթոշակի վոր մասն է նշանակվում, յեթե նրանք իրարից բաժան են ապրում:

17. Անհատական կենսաթոշակ նշանակելու վերաբերյալ միջնորդությունների հետևանքների մասին հանձնաժողովը հաղորդում է միջնորդություն հարուցող թե հիմնարկություններին և թե անձանց:

18. Եթե անհատական թոշակառուն դատումն ունի, վոր նրան նշանակված անհատական կենսաթոշակի դումարի հետ միասին գերազանցում է պատասխանատու քաղաքական աշխատավորների համար տարիֆային առաջին գոտում սահմանված բարձր տարիֆի դրույքի (այդ դրույքը ծանրաբեռման համար տրվող հավելու-

մով հաշված), ապա այդպիսի դեպքում անհատական կենսաթոշակը համապատասխան չափով նվազեցվում է: Դատումը պահանջելու կամ նրանից զրկելու դեպքում կենսաթոշակը ավտոմատիկ կերպով կամ վերականգնվում է լրիվ չափով և կամ ավելացվում է համապատասխան չափով, վոբպեսդի դատումի և կենսաթոշակի ընդհանուր գումարը չդերազանցի այս հոդվածով սահմանված առավելագույն չափից (մաքսիմումից): Կենսաթոշակի վճարման կանոնները չի զրկում անհատական թոշակառուին այս կանոնադրությունում տրված բոլոր մնացած իրավունքից և առավելություններից:

19. Անհատական թոշակառույի բնակավայրը ՀՍՄՀ սահմաններում փոխելու, ինչպես նաև խորհրդային այլ հանրապետություն տեղափոխելու հետևանքով, վոչ մի դեպքում

չի կարող կենսաթոշակը կարճել կամ նշանակված կենսաթոշակի չափը պակասեցվել:

20. Այն դեպքերում, յերբ անհատական կենսաթոշակի իրավունք ունեցող անձանց նկատմամբ տկարամտության, հոգեկան հիվանդության, ֆիզիկական անկարողության և այլն հետևանքով՝ «Ամուսնության, ընտանիքի և խնամակալության մասին» որենսդրություն համաձայն նշանակված է խնամակալություն կամ հոգատարություն, անհատական կենսաթոշակ նշանակող հանձնաժողովն իրավունք ունի խնամակալության և հոգատարության մարմիններից պահանջելու խնամակալներ և հոգատարներ նշանակել, նաև կարող է նշանակված խնամակալներին ու հոգատարներին մերժել ու նրանց փոխարինումը պահանջել: Վերջիններին նշանակելիս, խնամակալության և

1788



2255-17

հողատարութեան մարմինները պետք
է ձեռք առնեն բոլոր միջոցները, վոր-
պեսզի խնամարկյալների շահերը
բազմակողմանիորեն նկատի առնված
և արահուստ վավեր լինեն:

Հ Ա Տ Վ Ա Ծ 3.

ԿԵՆՍԱԹՈՇԱԿՆԵՐԻ ՈՒ ՎՃԱՐՄԱՆ ՄԻՋՈՑ-
ՆԵՐՆ ՈՒ ԿԱՐԳԸ

21. Անհատական կենսաթոշակների
նորմաները նրանց վճարման կարգը
և միջոցների աղբյուրները վորոշ-
վում են ՀՍԽՀ Ժողովրդական կոմի-
տեաների խորհուրդի կողմից. կենսա-
թոշակների չափը պետք է կախումն
ունենա այն անձի մատուցած բացա-
ռիկ ծառայութեան աստիճանից և
բնույթից, վորին կենսաթոշակ է նը-
շանակվում, նաև նրանց աշխատան-
քին ու վործունեությունը պարզող
այլ հանգամանքների հաշվառումից:

Հ Ա Տ Վ Ա Ծ 4.

ԱՆՀԱՏԱԿԱՆ ԿԵՆՍԱԹՈՇԱԿ ՍՏԱՑՈՂ
ԱՆՁԱՆՑ ԱՇԽԱՏԱՆԲԱՅԻՆ ԴՐՈՒԹՅԱՆ
ԱՊԱՀՈՎՈՒՄԸ

22. Անհատական կենսաթոշակ ըս-
տացող անձինք այս կանոնադրու-
թեան հիման վրա կարող են անդա-
մազրկել հաշմանդամների կոոպերա-
տիվ միավորումներին (արտելներին)
առանց կենսաթոշակի իրավունքը և
5-րդ հատվածում թված արտոնու-
թյուններն ու առավելությունները
կորցնելու, անկախ այդ միավորում-
ներում անդամ լինելու ժամանակի
տեվողությունից: Հաշմանդամների
արտելում անդամազրկված թոշակա-
ռուներին անհատական կենսաթոշակ
վճարելիս այս կանոնադրութեան
18-րդ հոդվածի համաձայն հաշվի

յին առնվում արտելում ստացած նրանց դատումները:

23. Հաշմանդամների արտելի մեջ մտնելիս, անհատական թոշակառուներն ունենում են իր փայլավճարն արտելի կանոնադրության հիմունքներով և ՀՍՈՀ Սոցիալական Ապահովության Ժողովրդական Կոմիտարիատի գործող կանոնների և կարգադրությունների համաձայն:

24. Անհատական կենսաթոշակ ըստացող անձինք ցուցակազրվում են Աշխատողի մատի կազմերի բաժնում և աշխատանքի յեն ուղարկվում հերթից դուրս, իսկ նրանց ընտանիքի անդամները՝ արհեստակցական միությունների անդամ-բանվորների հետ հավասար հիմունքներով:

Հ Ա Տ Վ Ա Ծ 5.

ԱՆՀԱՏԱԿԱՆ ԿԵՆՍԱԹՈՇԱԿ ՍՏԱՑՈՂ ԱՆ-
ՁԱՆՑ ՀԱՏՈՒԿ ԱՐՏՈՆՈՒԹՅՈՒՆՆԵՐՆ ՐՆ ՈՒ
ԱՌԱՎԵԼՈՒԹՅՈՒՆՆԵՐԸ

25. Անհատական թոշակառուները բնակարանավարձը վճարում են բանվորների և ծառայողների համար սահմանված բնակարանավարձի դրույքներով-10-ից մինչև 50% զեղջով: Զեղջի չափը, թոշակառուների ծախքերին նայած, սահմանում են տեղական խորհուրդները բնակելի տարածության ավելցուկի և լրացուցիչ տարածության համար թոշակառուները վճարում են սովորական չափով:

26. Անհատական թոշակառուներն իրենց դրադեցրած բնակարանից կարող են վտարվել (կամ տեղափոխվել) միայն դատարանի վճռով և այն ել

տրամադրելով նրանց՝ բնակութեան համար ազատ բնակարան, տարածութեամբ փոչ պակաս նրանց զբաղեցնող բաժից, նաև տրամադրելով փոխադրութեան միջոցները:

27. Անհատական կենսաթոշակները ազատվում են բոլոր տեսակի հարկերից ու սուրքերից: Յեթե անհատական թոշակառու կենսաթոշակից բացի ունի այլ յեկամուտներ ու դատումներ, այդ դեպքում հարկվում են միայն այդ յեկամուտները կամ դատումները, յեթե դերացանցվում են հարկով մինիմումից, իսկ անհատական կենսաթոշակը հարկվող յեկամուտի մեջ չի մտնում:

28. Բացի այդ, անհատական թոշակառուները տեղական հարկերի նըկատմամբ վայելում են հետևյալ արտոնությունները. —

ա) չինությունների հարկից ազատվում են անհատական թոշակառուները:

բ) պատկանող շենքերը, յեթե այդ շենքերը զբաղեցրել են անմիջորեն իրենք թոշակառուները, նրանց ընտանիքները և չեն շահագործվում, վարձակալութեան միջոցով:

բ) փոխադրական միջոցների հարկից ազատվում են անհատական թոշակառուներին պատկանող փոխադրական միջոցները (ձիերը, հեծանիվները և այլն), յեթե հատկապես թոշակառուներին ու նրանց ընտանիքներին են սպասարկում:

գ) անասունների հարկից ազատվում են անհատական թոշակառուներին պատկանող և անհատական թոշակառուների ու նրանց ընտանիքների կարիքների համար ոգտագործվող անասունները:

29. Անհատական թոշակառուները վայելում են ձրիաբար և հերթից դուրս ամեն տեսակի բժշկական, դեղորայքով և պրոտեզներով ոգնու-

Թյուն ստանալու իրավունք, իսկ նրանց ընտանիքի անդամները՝ ապահովագրված բանվորների հետ հավասար հիմունքներով:

Սանատորա-կուրորտային ոգնության նկատմամբ անհատական թուշակառուները հավասարեցվում են բանվորներին: Բացի դրանից, այդ անձինք կարող են հանձնաժողովների կողմից կուրորտներ և սանատորիաներ ուղարկվել ի հաշիվ Սոցիալական Ապահովության Ժողովրդական Կոմիսարիատի միջոցների, վոր բաց է թողնվում անհատական կենսաթոշակներ վճարելու համար:

30. Անհատական թոշակառուներն իրավունք ունեն հերթից դուրս ընդունվել սոցիալական ապահովության հիմնարկներում (հաշմանդամների տներ և այլն) և Առժողովոմատի հիմնարկություններում) խրոնիկների, տարվմատիկների տներ, նյարդային և հոգեկան հիվանդների հա-

մար հատուկ հիմնարկություններ և այլն, իսկ նրանց ընտանիքի անդամներն ընդունվում են նույն հիմնարկություններում՝ ապահովագրված բանվորների հետ հավասար հիմունքներով:

31. Անհատական թոշակառուների զավակները և նրանց խնամքի տակ ապրող անձինք ուսումնական բոլոր (ստորին, միջին և բարձրագույն) հիմնարկներում և կրթական դաստիարակչական հիմնարկներում (մանկատներ և այլն) ընդունվում են հերթից դուրս և յեղած տեղերի ու թոշակների նկատմամբ զերադասվում են մյուս բոլոր թեկնածուներից և ազատվում են ուսման վճարից: Նույն արտոնությունները տրվում են անհատական թոշակառուներին ամեն տեսակի դասընթացներ, բանվորական Փակուլտետներ, տեխնիկումներ, բարձրագույն կամ մասնագի-

տական ուսումնական հիմնարկներ մտնելիս:

32. Անհատական թոշակառուներն իրավունք ունեն անդամագրվել ՀՍԽՀ բոլոր կոոպերատիվ կազմակերպութ-
յուններին անխտիր: Կոոպերատիվ կազմակերպություն մեջ մտնելիս, նրանք փայտավճար և անդամավճար են մուծում տվյալ կոոպերատիվում սահմանված նվազագույն չափով: Բացի այդ, նրանք ոգտվում են սպառողական և տնտեսական կարիքները ամբողջ կոոպերատիվ ցանցի կողմից սպասարկելու իրավունքից կոոպերատիվի անդամ-բանվորների հետ հաժապար չափով:

Անհատական թոշակառուները կուտնտեսությունների մեջ մտնելիս ոգտվում են չքավոր տնտեսությունների համար սահմանված արտոնություններից:

33. Անհատական թոշակառուների

համար այս կանոնադրությամբ սահմանված բոլոր արտոնությունները տարածվում են նաև ՀՍԽՀ սահմաններում ապրող այն անձանց վրա, վորոնք ԽՍՀՄ և ԱՍՖՖՀ Ժողովրդական Կոմիսարների Խորհուրդների վորոշումների հիման վրա անհատական կենսաթոշակ են ստանում:

34. Սոցիալական ապահովության մարմինները սլարտավոր են անհատական թոշակառուների նկատմամբ առանձին ուշղրություն և խնամք ցուցաբերել, մասնավորապես ձեռք առնել բոլոր միջոցները, վորպեսզի որենքով նրանց տրված բոլոր արտոնություններն ու առավելությունները ապահովված լինեն, և պատշաճ ղեպքերում այս կանոնադրությունը խախտող անձինք յենթարկվեն պատասխանատվության:

ՏԵՂԱԿԱՆ ՆՇԱՆԱԿՈՒԹՅՈՒՆ ՈՒՆԵՑՈՂ
ԱՆՀԱՏԱԿԱՆ ԿԵՆՍԱԹՈՇԱԿՆԵՐԸ

35. Այն անձինք, վորոնք տեղական նշանակութիւն ունեցող նշանավոր ծառայութիւններ են մատուցել, (տուժել են կուլակների դեմ մղվող պայքարում) ունեն տեղական կուլտուրայի ասպարիզում աչքի ընկնող ծառայութիւններ և այլն) անհատական կենսաթոշակ են նշանակվում այս կանոնադրութեան համապատասխան՝ տեղական բյուջեների միջոցներից և չրջանային գործադիր կոմիտեների վորոշումներով:

36. Տեղական անհատական կենսաթոշակ ստացող կամ ստանալու իրավունք ունեցող անձանց մահվան կամ անհայտ բացակայութեան դեպքում:

կենսաթոշակը նշանակվում է նրանց ընտանիքի անդամներին այս կանոնադրութեան կանոնների համապատասխան:

37. Տեղական անհատական կենսաթոշակ ստացող անձանց և նրանց ընտանիքի անդամների համար արտոնութիւնները և առավելութիւնները սահմանվում են համապատասխան չրջանային գործադիր կոմիտեները:

Կենտրոնական Գործադիր կոմիտեի
Նախագահ՝ Ա. ԱՆԱՆՅԱՆ

Ի. տ. Ժողովրդական Կոմիտեների
Խորհրդի Նախագահ՝

Ա. ՅԵՐԶՆԿՅԱՆ

Ի. տ. Կենտրոնական Գործադիր
Կոմիտեի Քաղաքապետ՝



ՀԱՅԱՍՏԱՆԻ ՏՊԱՐԱՆ

Գրադ. № 4565 Գրադիւթ 6784 (Բ) Տիպո՛ 500

2013

ՀՀ Ազգային գրադարան



NL0047781

2013/

